

Broj: 73-11-3-5124

Datum: 10-02-2025

Na osnovu člana 64. stav 1. tačka a), člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (br. 65-04-2-4654), na temelju Izvješća o radu i Preporuke Komisije za nabavku broj: 73-33-4-1726-4 od 05.02.2025. godine i Zapisnika o pregledu i ocjeni ponuda broj: 73-33-4-1726-3 od 05.02.2025. godine u postupku javne nabavke "Radovi na rekonstrukciji vanjske vodovodne mreže KCUS-a –I faza", V.D. Generalna direktorica donosi:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 73-33-4-1726-4 od 05.02.2025. godine, Ugovor za javnu nabavku izvođenje "Radova na rekonstrukciji vanjske vodovodne mreže KCUS-a –I faza", dodjeljuje se Konzorciju ponuđača **HARYSCO d.o.o. Sarajevo i OMAZIĆ d.o.o. Livno**, ponuda broj 03-005/25 od 15.01.2025. godine, za ponuđenu cijenu od **547.753,00 KM (bez PDV-a)**, kao najpovoljnijem ponuđaču.


Član 2.

Izabrani Konzorcij ponuđača je dužan da u roku od 5 (pet) dana od dana prijema ove Odluke dostavi originale ili ovjerene kopije dokumentacije iz člana 45. Zakona o javnim nabavkama (lična sposobnost) na protokol Ugovornog organa, a sve sukladno tačkama 4.1.5., 4.1.6. i 4.1.7. tenderske dokumentacije.

Ukoliko izabrani Konzorcij ponuđača ne dostavi traženu dokumentaciju u određenom roku, ili je dostavi na nepotpisan i nepotpun način, Ugovor će se dodjeliti narednom ponuđaču sa rang liste uspješnih ponuđača.

Član 3.

Prijedlog Ugovora dostaviće se na potpis izabranom ponuđaču po pravosnažnosti ove Odluke.



Član 4.

Ova Odluka objaviće se na internet stranici ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 73-04-4-41132 od 19.11.2024.godine. Javna nabavka je sprovedena putem otvorenog postupka javne nabavke.

Procijenjena vrijednost javne nabavke bez PDV-a je 550.000,00 KM.

Obavještenje o nabavci broj: 893-1-3- 460-3-860/24 objavljeno je na Portalu javnih nabavki dana 22.11.2024. godine.

Komisija za nabavku, imenovana je Odlukom broj: 73-04-4-45449 od 20.12.2024. godine.


Komisija za javnu nabavku dostavila je Ugovornom organu Zapisnik o pregledu i ocjeni ponuda broj: 73-33-4-1726-3 od 05.02.2025. godine kao i Preporuku o izboru najpovoljnijeg ponuđača zajedno sa Izvještajem o radu broj: 73-33-4-1726-4 od 05.02.2025. godine, u postupku javne nabavke – “Radovi na rekonstrukciji vanjske vodovodne mreže KCUS-a –I faza”.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 3 ponude,
- da su blagovremeno primljene 3 ponude,
- da nije bilo neblagovremeno zaprimljenih ponuda,

-da su zaprimljene ponude ponuđača MIBRAL d.o.o. Sarajevo, TED INVEST d.o.o. Sarajevo i ponuda konzorcija ponuđača HARYSCO d.o.o. Sarajevo i Omazić d.o.o. Livno, koje su za Ugovorni organ prihvatljive.

- da je ponuda konzorcija ponuđača HARYSCO d.o.o. Sarajevo i Omazić d.o.o. Livno, kvalifikovana i prihvatljiva i izabrana kao najpovoljnija, a cijeneći kriterij za dodjelu Ugovora u predmetnom postupku – najniža cijena. Dostavljeni su svi traženi dokazi propisani tenderskom dokumentacijom, na propisan način, uz obavezu dostavljanja dokaza iz člana 45. ZJN (lična sposobnost).



U predmetnom postupku javne nabavke propisano je održavanje E-aukcije; te je ista zakazana i sprovedena. Nakon okončane E-aukcije, na rang listi, prvoplasirana je ponuda konzorcija ponuđača HARYSCO d.o.o. Sarajevo i Omazić d.o.o. Livno sa cijenom od 547.753,00 KM, drugoplasirani ponuđač je TED INVEST d.o.o. Sarajevo sa cijenom od 547.754,47 KM, dok je trećeplasirani ponuđač MIBRAL d.o.o. Sarajevo sa cijenom od 549.893,59 KM.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, V.D. Generalna direktorica nije našla razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

najniže dostavljene cijene ponude (cijeneći kriterij za dodjelu Ugovora), kao i održanu E-aukciju, tehnički i formalno-pravno ispravno dostavljene ponude u okviru procijenjene vrijednosti javne nabavke.

- Naziv ponuđača čija je ponuda ocijenjena kao najpovoljnija:

Konzorcij ponuđača HARYSCO d.o.o. Sarajevo i Omazić d.o.o. Livno.

Demićević *Curran*

Iz navedenih razloga, primjenom člana 64. stav 1. tačka a) Zakona o javnim nabavkama, člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, ili preporučenom poštanskom pošiljkom.

V.D. Generalna direktorica



Prof.dr. Hajrija Maksić

Dostaviti:

- Ponuđačima,
- Služba za javne nabavke,
- a/a.